

riore explicatione earum rerum, quas optima methode, & breuitate maximè perspicua, prototypou exposuit.

5. Quæ prolixitas posterioris editionis, cum non sine causa videri debeat intempestiva: & mutatio isthæc, in libro fidei Symbolico, privata autoritate suscepta, malè ominosa sit: succincta prototypi breuitate, in hoc etiam Articulo, meritò acquiescimus.

6. Andreas certè Fabritius Leodius, ansam cavillandi mutuatus ex collatione Prototypi cum posteriore editione manifestum esse scribit: quomodo tortuosus ille serpens (Lutherani) se volvat, ut venenum olim effusum resorbeat: & quod in priore negavit, in posteriore affirmet. Harmon. pag. 37 & 38.

7. Quæ cavillationes licet facilimè refutari queant: Variationem tamen illam intempestivam, Ecclesias protestantium varijs huiusmodi præjudicijs onerasse, vel indè manifestum est.

8. Etsi verò Articulus iste sub consuetam illam libri huius διχοτομίαν non venit & perpetua Ἰέσει sive affirmativa constat: Interim tamen ex oppositorum contentione, facile de ἀντιἸέσει & ἐτεροδιδασκαλίᾳ fieri potest iudicium.

9. Voluerunt autem Protestantes mera quadam uti ὀμσιογενίᾳ: Quia hæc ipsa doctrina de Bonis operibus maximè cum Papatu erat controversa, ac